

**■ GLOSSA**

# Tschertga la preda

DA SILVIO CAMENISCH

Jau tschertg desperada-main la preda d'in sez en chombra dals represchentan-  
tants. Èsi la chombra dals deputads (Unterhaus) u chombra dals Lords (Oberhaus) si qua a Berna n'è per il mument betg relevant betg interessant, schon relevant schon interessant, ma betg uschia che jau dess nà mes burs, tut lasuenter savess jau anc duvrar el en cas che jau pudess, jau poss adina sin chatscha, san mi-  
as amias da chatscha confermar, fatsch betg schlapp schon suenter l'otgavla preda sco tschel (Berlusconi).

Jau chatschadra passiu-  
nada disturbada annunziel mezza tar rtr mia preda, vegn uschia en la concorrenza per il premi «ina patenta da chatsch'auta 2012» sponsurada da la Banca Raiffeisen Surselva; dastg'er esser «ina patenta da chatscha bassa», sun jau betg pretensiusa schizunt engurda. La mudestadad è ina qualitat er sin chatscha, betg. Ussa mument, han ils investmentbanchers da quella banca daners liquids?, l'UBS gigantesca n'avess betg, aveva, ma n'avess betg pli. Tup, manegiais betg er? Quella banca è lura ina flotta, grazia fitg banca, nus quintain cun tai er in auter onn.

Nua pudess jau, Stress, dar giu mia ex-preda Melanie il meglier? Jau na less betg ella pli, tant stress



hai jau gi cun ella, quella! Sun jau liber per autras. Ins po reservar mai en las scolas. Finadina scola ambiziusa da management e cumpetenza che dat insatge sin sai, fan tuttas, jau na savess betg tgenina betg, reservescha Stress en scola. Las scolas ambiziusas n'han mai stress avunda. Stress è stà in temp preda avunda per la Melanie, n'è el betg pli! Quella hai jau stressà cun esser fastidius e lungurus sco nagin segund.

Qua en nossa mazlaria autpremiada, insatge sco ina stiva da morts schon intschensada schon fimentada dals patriarcs d'architettura, èn vegnidas dadas giu predas sco stgars! La preda Hirschmann ier, qua mesirain nus suenter è la corna quai ch'ella stuess esser. La preda Eveline è d'urella en noss visiers, i duvress in culp ultimativ, ma noss sulegl tschorventa in extremis, uschiglio fiss el dà giu stersas! Il taur da curuna da deschedotg Christoph fiss luschezza preda da finadina chatschadra,

tranter Sias cornas incredibile enguttass jau Ses maletg sontg cun enturn ina corda da paternoss, ed avess uschia mes altar da chasa.

Jau tschertg, desperada-main, la preda Pippa Middleton, preda leva u selvaschina libra da tuts, jau na savess betg da tgenins betg! Quella preda annunziass jau gugent per il premi «ina patenta da chatsch'auta», u na, gugent bassa e ma segirass la nominaziun d'ina emprima giuria d'ina segunda giuria ed uschia vinavant giurias a la concorrenza da tschertgar la preda. Quella preda ha pep en il tgil, quella bain, tuttas tschellas main. Voilà, quai leva jau dir e na fatsch uss betg qua satira, quai na sai jau betg, jau betg.

Jau m'empip betg tge che capita cun mia preda, è ella ina giada annunziada per quest premi Tschertga la preda, e gudogna! Jau na gudogn mai tar concorrenzas per premis, sin pli perd, jau n'hai betg quest gen da victur ch'auters han, sun betg in winnertip, ina Melaniewinigtip na sun jau betg, ma fatsch er nagin stress cuntut. Nua è la Funtauna dal Rain propi? Pudess jau er annunziar quella preda per la cuntra-valita da 700 francs u è ella schon sajettada schon mangiada en asch d'ina gruppa da vegls indigenes? Fiss tup.